



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

Quod non debemus vltro nos offerre suppliciis. ca. 22.

urn:nbn:de:hbz:466:1-35578

Pfal. 63

martyribus dicere poteris. Ego sum pauper & dolens, & salus tua deus suscepit me, laudabo nomen dei mei cum cantico, magnificabo eum in laude. Interim martyrium tuum sit, castigare corpus tuum, & in seruitute redigere, ut obediat spiritui, vigilare, orare, ieiunare, die ac nocte in lege dei meditari, euangelij præcepta obseruare, amicos inimicosque diligere, nemini malum pro malo reddere, & pati potius quam inferre iniuriã. Talis vita eos etiam ad beatitudinis gloriam euexit, quos persecutionis gladius non attigit. Quotidianum quippe martyrium est, aduersus carnis molestias diaboliq; dolos assidue stare, & non sinere suffodi domum, nec irruentibus vitijs vasa diripi virtutis. Oportet igitur superbiam repellere humilitate, libidinem castitate, parsimonia luxuriam, patientia iracundiam, liberalitate auaritiam: & breuiter vitium virtute. Sic vincere non equidem minus laudabile esse reor, quam execranda in fidelium imperia per tormentorum patientiam superare. Nam qui ita vitam instituerit, eum iam idoneum esse scias ad omnia dura, difficilia atq; aspera pro nomine domini perferenda. Non potest non habere talem tolerandi affectum, qui domino in omnibus obsequendi gerit curam. Audi Hieronymum dicentem: Vtinam ob domini mei nomen atq; iustitiam cuncta gentilium turba me persequatur & tribulet: vtinam in opprobrium meum stolidus hic mundus exurgat, tantum ut ego merear a Christo laudari, & suæ pollicitationis sperare mercedem. Quoties igitur exercendæ patientiæ cessat occasio, non cesse in nobis ipsa pariendi voluntas, & martyrum gloriæ participes esse merebimur.

S. Hieron.

Quod non debemus vltro nos offerre supplicis.

Cap. XXII

Mat. 14.

Veruntñ in persecutionib' vltro nos offerre ipsi non debemus. Quñ temerariũ est obicere se periculis nulla cogente necessitate. Vñ precipit dñs, di-

uens: Cum vos persecuti fuerint in ista ciuitate, fugite ad altā, Et ipse secessisse in desertū dicit, cū Iohānē Herodis gladio perēptū audisset. Quā etiā Iudæi ad fertendū illū lapides corripuissent, abscondit se (vt euangelista ait) & exiuit de templo. Poterat omnes vnico nutu interimere, & maluit fugere, vt nos doceret etiā imbecilliorū iracundiam potius deuitare, q̄ resistendo magis accendere. Paulus Damasci Iudæorū insidias, & p̄positi Aretæ regis minas per murum in sporta depositus effugit: non tñ mortis metu, sed dilatiōe, vt adhuc super uiuens multorū salutī consuleret. Nunq̄ enim cessauit p̄dicando, disputando, scribendo omnes q̄s erroribus implicitos cernebat, ad viā v̄itatis reuocare: vt q̄ illos q̄s ad Christum conuerterat, in fide solidaret, sc̄uissimi Neronis furōrem contempsit. Suo igitur exemplo monstrauit, tūc quidem mortem non esse timendam, cum prospiciendum est salutī aliorum: tūc vero fugiendam, cum magis expedit vt fugiamus, quam vt comprehendamur. Exempli gratia. Inter hæreticorum turbam fidelesque persequentium occulte Christianus es, vides alios deprehensos torqueri, cædi, laniari, quamdiu fortiter tolerant, nec a fide recedunt, non est vt te ipsum prodas. Cum autem aliquis eorum titubare cœperit, & supplicijs victus cedere, palam eum exhortari ad patientiam debes, & in periculo animæ alienæ vitæ propriam contemnere. Plus enim debemus diligere bonam animæ non nostræ modo, verum etiam alienæ, quam bonum corporis nostri, hoc enim temporale est, illud æternum, hoc carnale, illud spiritale, præferenda autem sunt carnalibus spiritalia, & temporalibus æterna, & mortalibus nunquam moritura. Quod si te quoque in hoc periculis agone intrepide currentem ab infidelibus occidi contigerit, gaude, quia iam cum illo viuere incipies, qui pro omnibus occidi voluit, & in illo inclyto gloriosoque martyrum cœtu receptus exultabis, tuque donatus corone victoriæ sempiterna.

Iohā. 8

2. Cor. 12: